



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. 5. An sit in arbitrio Judicis, deferre juramentum, cui maluerit, ex
litigantibus?

[urn:nbn:de:hbz:466:1-73001](#)

plenè probent; reddant tamen valde credibilem, & afferentis eam probationem statum meliorem, præsertim, ubi Adversarius præter puram negativam, nihil pro se, nihil etiam ad infingenda allata afferit; permittitur Judici, rebus omnibus rite consideratis, amore veritatis, illi deferre juramentum, & secundum illud definire causam; quarè licet Actore non probante plenè, Reus absolvī posse; non tamen in omni circumstantia Judex tenetur.

2126.

Quæstio est 4. quando, seu in qua parte judicij juramentum necessarium, litis decisivum deferendum sit? Resp. posse in qualibet parte judicij, ubi res nondum liquidè probata est ab una parte litigantium ad versus alteram (nam in hunc finem ejusmodi juramentum conceditur, & colligitur ex L. 12. C. de reb. credit. & jura-
mento) idquè non tantum in prima instantia, sed etiam secunda. Tamen si enim finis appellationis sit, emendare, vel consermare sententiam Judicis à quo; is tamen non est unicus; cum etiam in eum finem adinventa sit, ut prius non deducta deducantur; & non probata probentur, ut habetur L. 1. ff. de appellat. & ratio sumitur ex verbis dictæ L. 12. ibi: omne igitur juramentum, sive à Judice sibi à partibus illatum, vel in principio litis, vel medio, vel in ipsa definitiva sententia, sub ipso Judice detur, non exspectata vel ultimâ definitione. vel provocationis formidine.

2127.

Dubium est, an juramentum hoc necessarium deferri possit etiam post conclusionem in causa? Resp. ex communi sententia DD. ad petitionem partis, factam post conclusionem in causa, non posse; securis, si petitio facta est antè, licet delatio fiat post; Judicem autem, ex officio id non posse post conclusionem in causa, nullo prius petente; in quo tamen postremo contrarium sentit Gail apud Haunoldum tom. 5. tr. 464. n. 1024. volevis, esto petitum non sit, hoc juramentum deferri posse à Judice etiam post conclusionem in causa. Nam, ubicunque Judicem aequitas moverit, æquè oportere fieri interrogacionem, dubium non est, ut dicitur L.

21. ff. de interrogat.

§. V.

An sit in arbitrio Judicis, deferre jura-
mentum, cui maluerit, ex litigan-
tibus?

Supponendum, per Judicis arbitrium 2128. hic non intelligi meram libertatem qualem habet homo, vi cuius potest v. g. facere aliquid, vel non facere, aut etiam oppositum, prout libuerit; sed facultatem aliquid faciendi, vel omittendi ex matura deliberatione præviâ, consideratis omnibus circumstantiis, ad rem facientibus, & finem, quem vi munetis sui querere debet, obtinendum; & quoniam in judicio maximè queritur veritas probationum, ut ex his, quæ prævalent adversus probationes alterius, justè pronuntiare possit; subinde autem haberi non possit, nisi delato uni partium juramento, Judicis erit arbitrari, hoc est, maturè prius deliberare, per cuius juramentum, si deferatur, rectius, ac melius veritas cognosci valeat: quo posito ei deferet, in quo tales sunt circumstantiæ, ex quibus persuadeatur, ab hoc potius, quam ab illo, veritati conformiter, juratum iri. Et ideo Alex. Scotus, V. arbitrium, dicit: arbitrium, seu arbitratum suo proprio significato importare libertatem arbitrandi, & voluntatem ratione regulatam. Unde commissum arbitrio alicujus, intelligitur boni viri, ff. de legat. L. 3. s. filia; imò si sit generaliter commissum, non valet factum ab eo, nisi legitimè factum sit; gloss. in c. causam, quæ de elect. V. si tamen; quibus positis:

Triplex in hac quæstione est sententia; 2129. quarum prima vult, juramentum suppletorium probationis, esse deferendum Reo; secunda vero, Actori; tertia deinceps, relinquendum arbitrio Judicis, ut ei deferat, cui hoc deferri, maturò judicio videbitur æquius ad finem intentum, nimirum cognoscendam veritatem, ut dictum est præced. num. quod tamen intelligi vult hæc sententia, quam ex teris veriore existimo, quando locus esse potest arbitrio; primò enim, si una pars litigantium intentionem suam semiplenè probavit; altera vero nihil, non erit locus arbitrando, cui

cui horum deferat juramentum in probationis supplementum? nam Actori, qui nihil probavit, prudenter deferri non poterit, cum tali casu Reus absolvendus sit, maximè si hic semiplenè probavit contra Actorem; si autem Acto semiplenè probavit; Reus autem nihil, opus non est deliberatione, cui tali casu deferat; cum, si delatione opus sit, non possit alteri, nisi probanti; similiter, si Reus concedat, quod Acto petit; sed opponit exceptionem, eam què saltē semiplenè probet, sine ulteriori deliberatione Judex illud deferet Reo; non Actori, cum iste illo non indigat, in casu, quo Reus non negat, sed affirmat, quod Acto petit, v. g. acceptum mutuum.

2130. Dixi, quando locus esse potest arbitrio, ut in casu, quo utraqù pars intentionem suam probavit, sed non plenè; nam tunc Judex consideratā qualitate, ac legalitate personarum, statuet, cui deferendum sit juramentum; ei enim præ altero deferendum erit, in quo plura, & majora relucēt argumenta, seu indicia obtinehdæ veritatis; nam hic finis à Judice quærendus est in casu, quo agitur de juramento suppletorii delatione. In casu tamen, quo utriquè jura sunt paria, dubitari potest, num locus sit gratificationi? Mihi dicendum videtur, Judicem in tali casu posse Reum absolvere, nam in eo casu potior est conditio Rei, etiam favente jure, ac dicente: Altere non probante (nimirum probatione prævalente) Reum absolvendū esse; si tamen Reus sibi deferri juramentum peteret, posse illi deferri, nisi occurrat ratio, propter quam ejus fides suspecta redderetur; quia in tali casu, cæteris paribus, Rei conditio favorabilior est. Cæterum, si propter multitudinem litium videretur ea controversia in dato casu terminanda, & Reo non petente Acto sibi deferri juramentum peteret, nisi aliud obstat, etiam tunc Actori deferri posset; quod fit, non esse locum gratificationi ex titulo mīrē politico: sed ex ratione vel juris, vel boni communis, suadente unius potius præelectionem, rebus maturè ponderatis.

2131. Not. præterea, intentionem Rei quandoque intentioni Actoris esse directè contrariam, ut si Acto probet, se tali die, & loco, cum Titio contraxisse; sed Titius neget, probans, se tali die, nec fuisse in tali

loco; quandoque autem solum indirectè, puta, si Acto probet contractum; Titius autem non neget illum, sed solum opponat, jam solutum. In utroque casu dubium esse potest, cui tunc deferendum sit juramentum suppletorium? In primo, si Acto suam intentionem plenè probavit v. g. per duos testes; Reus autem solum per unum; locus non erit juramento suppletorio, ut jam notavimus supra; in secundo autem casu probabilitus deferri debet Reo; nam quando ex duobus litigantibus unus quæstionem controversam semiplenè probavit, ei deferendum est juramentum suppletorium, si super illa nihil probavit; alter: at in dato casu, quo Acto per duos testes etiam plenè probavit; & Reus non negat contractum, sed solum per unum testimoniū idoneum Actori opponit exceptionem soluti, quæstionem controversam Reus semiplenè probavit; Acto autem super ea nihil; ergo. Min. prob. nam in hoc casu quæstio controversa non est circa contractum celebratum (cum illum affirmet Acto, & concedat Reus) sed solum circa solutum; at solutum Reus semiplenè probavit, nempe per unum testimoniū idoneum; circa solutum autem nihil probavit Acto, esto plenè probaverit contractum; ergo.

Confirmatur ex c. fin. h. t. §. Sanè, ubi 2132. dicitur, quod, si Acto omnino in probatione defecerit, reus debeat (etsi nihil præstiterit) obtinere: præsumptione verò faciente pro illo, reo deferri possit, ad ostendendam suam innocentiam, juramentum, nisi Judex (inspectis personarum, & cause circumstantiis) illud actori videat deferendum: at in dato casu Acto nihil in quæstione controversa probavit; quia tamen plenè probavit contractum, habet pro se aliquam præsumptionem exigendi debitum ex contractu; igitur, si Reus illius intentioni opponat exceptionem soluti, indirectè contrariam, juramentum deferendum erit Reo, nisi alia causæ sint in contrarium; quando autem dicitur, per plenam probationem absumi semiplenam contrariam, consequenter, quando Acto plenè probavit suam intentionem, Reum censeri, nihil probasse, licet semiplenè probaverit contrarium: Resp. cum distinctione, & conceditur, per plenam probationem absumi semiplenam directè contrariam; non autem solum contrariam;

Aaaa 2

in-

Tom. II.

indirectè; ratio est; quia non potest esse simul verum: *tali die in loco A. contractus à te, & me factus est; & contractus à me, & te tali die non est factus in loco A.* nam secundum directè excludit primum, & vicissim: an bene stat: *tali die & loco contractus à nobis factus est, & concedo, fidem contractum, sed nego me quicquam nunc ex illo debere, cum solverim;* quo casu, esto primum plenè probetur, adhuc stat secundum; ergo plena probatio primi non absorbet tempiplenam secundi, solum indirectè contraria m.

Q. VI.

An Judex quandoque ex officio deferre possit juramentum litis decisivum?

2133.

A Nte resolut. supponendum. 1. unum è litigantibus in judicio posse juramentum litis decisivum deferre parti alteri, de quo jam diximus a n. 2103. etiam post conclusionem in causa, si prius est peritum. Suppon. 2. quod Judex parti, in judicio petenti, ut alteri deferat juramentum suppletorium, non possit negare, si aliunde petitio legitima sit; denegando enim redderet se suspectum; controversia tamen esset, qua necessitate teneatur ad hoc non denegandum? mihi videtur necessitas moralis, quam habet, ut exactè, ac circa reprehensionem fungatur suo munere; & hoc volunt leges, quando dicunt, oportere deferre; non tamen talis, quæ annulet absolutionem, vel sententiam, delatione juramenti prætermissa, cum quandoque dicatur, Judices solere deferre, quod appellat consuetudinem laudabilem, non omisibilem circa reprehensionem; quæstio nunc est, an, ubi locus est juramento suppletorio, Judex, nullo litigantium petente, ex officio id deferre possit?

2134.

In hac quæstione videtur affirmandum, suppositis cæteris ad hoc requisitis, posse Judicem, absolute loquendo, unil litigantium deferre juramentum litis decisorum, etiam nullo litigantium id petente; ratio sumitur. 1. ex L. 1. ff. h. t. ibi: sœpe Judices, in causis dubiis, ex acto jure jurando secundum eum judicare, qui juraverit, ubi nulla sit mentio de jure jurando ex acto ad instantiam partis. 2. ex L. 3. C.

cod. per Judicem, jurejurando, causa cognita, decidi oportet; quod maximè procedit, si Judex causa cognita judicet expediens finiendæ liti jusjurandum non esse necessarium, & ex partibus requirat, an in hoc consentiant? in casu enim, quo fieret tali recusatione, renuentem reddi suspectum; consequenter si aliunde non potest aliter ex probationibus & documentis allatis, aut etiam legibus decidi sententia, licere Judici ex officio procedere ad cogendum eum ex litigantibus, cuius iuramento veritas melius innoteat; maximè, cum in c. fin. h. t. prudentiæ Judicis committatur, an Actori, vel Reo in ejusmodi casu dubio juramentum deferrat?

Hinc tametsi verum sit, Judicem non debere suum officium impertiri privatis hominum utilitatibus, tanquam fini directo, nisi fuerit imploratum, ut dicitur L. 4. §. hoc autem judicium ff. de damno infecto; hoc tamen stat, licet ex officio deferat unil litigantium juramentum suppletorium; cum hoc ipso, quod lis coram ipso mota sit, & ut communiter solet, cum clausula (*peto mihi jus, & justitiam administrari*) imploretur ejus officium; nam ubi actio conceditur, Judex tenetur ex officio mercenarius, quod actioni correlativa dicitur; ergo agendo imploratur, seu postulatur; nam postulare propriè hoc dicimus, pro tribunali petere, non alibi; & de hac imploratione, seu postulatione procedit lex 4. cit.

Quæstio autem ulterior est, in quibus causis Judex partibus deferre non possit juramentum litis decisivum; Regula est, quod deferre possit in omnibus causis non exceptis; cum hoc jusjurandum sit de genere permisorum; & deducitur ex L. 3. §. 1. ff. h. t. ubi dicitur: *quacunque actione quis conveniatur, si juraverit, proficiet ei jusjurandum: sive in personam, sive in rem, sive in factum, sive personali actione, vel quavis alia agatur, sive de interdicto.*

Ex hoc textu videtur deduci, nec causas 2135. criminalès exceptas esse; cum textus expressè dicat, ex quacunque actione, sive personali, sive quavis alia agatur. Sed, cum in causis criminalibus (nimis criminaliter, seu ad vindictam publicam, intentatis, præcertim tendentibus ad peccatum